

**UNIVERZITET U SARAJEVU -  
PRIRODNO-MATEMATIČKI FAKULTET**

Na osnovu člana 106. Zakona o visokom obrazovanju („Službene novine Kantona Sarajevo“, broj: 36/22), člana 21. Pravila studiranja za treći ciklus na Univerzitetu u Sarajevu - Doktorski studij iz decembra 2018. godine, prethodne saglasnosti Ministarstva za nauku, visoko obrazovanje i mlade Kantona Sarajevo broj: 27/03-34-29148-2/22 od 29.07.2022. godine, odluka Vijeća Doktorskog studija Univerziteta u Sarajevu - Prirodno-matematičkog fakulteta od 04.03.2022. godine i 07.07.2022. godine, Odluke Vijeća Univerziteta u Sarajevu - Prirodno-matematičkog fakulteta donešene na elektronskoj sjednici održanoj 09.12.2022. godine, Odluke Senata Univerziteta u Sarajevu o davanju saglasnosti za raspisivanje Konkursa u drugom upisnom roku broj: 01-21-59/22 od 21.12.2022. godine, Univerzitet u Sarajevu - Prirodno-matematički fakultet, objavljuje

**KONKURS**

za upis kandidata na III ciklus studija - doktorski studij U DRUGOM UPISNOM ROKU na Univerzitetu u Sarajevu - Prirodno-matematičkom fakultetu u akademskoj 2022/2023. godini za:

- Doktorski studij bioloških nauka,
- Doktorski studij fizičkih nauka,
- Doktorski studij geografskih nauka,
- Doktorski studij hemijskih nauka,
- Doktorski studij matematičkih nauka u Jugoistočnoj Evropi i
- Doktorski studij prirodnih i matematičkih nauka u obrazovanju.

**I**

Konkurs se raspisuje za upis:

18 kandidata na III ciklus studija- doktorski studij bioloških nauka i to:

- smjer Biohemija i fiziologija - 5 kandidata,
- smjer Ekologija - 3 kandidata,
- smjer Genetika - 5 kandidata,
- smjer Mikrobiologija - 5 kandidata.

2 kandidata za III ciklus studija - doktorski studij fizičkih nauka i to:

- smjer Teorijska fizika - 2 kandidata

4 kandidata na III ciklus studija - doktorski studij geografskih nauka i to:

- smjer Turizam i zaštita životne sredine - 1 kandidata
- smjer Regionalno i prostorno planiranje - 3 kandidata

2 kandidata na III ciklus studija - doktorski studij hemijskih nauka

5 kandidata na III ciklus studija - doktorski studij matematičkih nauka u Jugoistočnoj Evropi

8 kandidata na III ciklus - doktorski studij prirodnih i matematičkih nauka u obrazovanju, i to studijski programi:

- Biologija u obrazovanju - 1 kandidata,
- Fizika u obrazovanju - 1 kandidata,
- Geografija u obrazovanju - 2 kandidata,
- Hemija u obrazovanju - 2 kandidata,
- Matematika u obrazovanju - 2 kandidata.

Pravo prijave na Konkurs imaju:

Na konkurs se mogu prijaviti kandidati koji su stekli diplomu drugog ciklusa studija, integriranog studija, akademskog specijaliste i magistra nauka prema predbolonjskom sistemu studiranja iz odgovarajuće naučne oblasti.

Kandidatima koji su stekli titulu magistra nauka prije uvođenja bolonjskog sistema trocikličnog studiranja ili titulu akademskog specijaliste priznaje se 60 studijskih bodova, na način koji pobliže utvrđuje Vijeće dokorskog studija Fakulteta, a preostali obim od 120 studijskih bodova ovi kandidati stječu u skladu sa Pravilima studiranja za treći ciklus na Univerzitetu u Sarajevu - Doktorski studij iz decembra 2018. godine. Ovi kandidati plaćaju dvije trećine ukupne cijene studija.

Kriteriji za upis sadržani su u Elaboratima pojedinih studijskih programa, koji se nalaze na web stranici Prirodno-matematičkog fakulteta Univerziteta u Sarajevu [www.pmf.unsa.ba](http://www.pmf.unsa.ba)

**III**

Uz prijavu na Konkurs kandidati su obavezni dostaviti:

- biografiju,
- diplome o završenom prethodnom univerzitetskom obrazovanju (original ili ovjerena kopija),
- plan i program završenog dodiplomskog studija i magistarskog/master studija (ukoliko studij nije završen na Prirodno-matematičkom fakultetu Univerziteta u Sarajevu),
- uvjerenje o položenim ispitima tokom prethodnog studija,
- izjavu o preuzimanju obaveze plaćanja školarine za upis na doktorski studij u visini utvrđenoj Odlukom Upravnog odbora Univerziteta u Sarajevu na prijedlog Vijeća Prirodno-matematičkog fakulteta,
- dokaz o poznavanju engleskog jezika.

Kandidat koji je stekao diplomu u inostranstvu prilaže dokaz o nostrifikaciji/priznavanju iste ili potvrdu da je postupak nostrifikacije/priznavanja diplome u toku.

**IV**

Nastava na III ciklusu - doktorskom studiju matematičkih nauka u Jugoistočnoj Evropi izvodi se na bosanskom i engleskom jeziku.

**V**

U slučaju da je broj prijavljenih kandidata koji zadovoljavaju uvjete Konkursa veći od broja predviđenih u Konkursu, izbor kandidata, koji su stekli pravo na upis, vršit će se na osnovu rezultata na II ciklusu studija, odnosno na postdiplomskom studiju.

**VI**

Cijena dokorskog studija iznosi 7.000,00 KM po godini za sve smjerove, osim za Doktorski studij iz prirodnih i matematičkih nauka u obrazovanju, za koji cijena studija iznosi 5.000,00 KM po godini.

**VII**

Konkurs ostaje otvoren 15 dana od dana objavljivanja. Prijave dostaviti na adresu: Prirodno-matematički fakultet Univerziteta u Sarajevu, Zmaja od Bosne 33-35, 71000 Sarajevo - u zatvorenoj koverti sa naznakom "Prijava za upis na doktorski studij \_\_\_\_\_ u akademskoj 2022/2023. godini na Odsjeku za \_\_\_\_\_".

**BOSNA I HERCEGOVINA  
FEDERACIJA BOSNE I HERCEGOVINE  
BOSANSKO-PODRINJSKI KANTON GORAŽDE  
JU OŠ „HASAN TURČALO BRZI“  
ILOVAČA**

Tel/fax: +387 38 82 40 22 e-mail: [osbrzi@bih.net.ba](mailto:osbrzi@bih.net.ba)

Broj: 30-7-01/23

Datum: 04.01.2023. godine

Na osnovu člana 74. Zakona o osnovnom odgoju i obrazovanju („Sl. novine BPK-a Goražde“, broj: 05/16 I 9/20), Odluke Vlade BPK - a Goražde, broj: 03-30-2317/22 od 29.12.2022. godine i člana 82. Pravila Škole, Školski odbor raspisuje:

**KONKURS**

na određeno radno vrijeme do 14.07.2023. godine za II polugodište školske 2022/2023. godine i to za sljedeća radna mjesta:

- |                                       |              |   |
|---------------------------------------|--------------|---|
| 1. Nastavnik matematike.....          | 1 izvršilac, | 4 časa sedmično   |
| 2. Nastavnik islamske vjeronauke..... | 1 izvršilac, | 2 časa sedmično   |
| 3. Nastavnik razredne nastave.....    | 1 izvršilac, | - puna norma (područna škola Rešetnica),  |
| 4. Nastavnik razredne nastave.....    | 1 izvršilac, | - puna norma (područna škola Osanica) - (do povratka uposlenika s funkcije, a najduže do 14.07.2023. godine); |
| 5. Nastavnik muzičke kulture.....     | 1 izvršilac, | 6 časova sedmično,  |
| 6. Nastavnik engleskog jezika.....    | 1 izvršilac, | 10 časova sedmično (do povratka nastavnice sa porodijskog odsustva, a najduže do 19.03.2023. godine).         |

Uz prijavu na Konkurs sa kraćom biografijom, kandidati su dužni dostaviti originalnu ili ovjerenu dokumentaciju:

- Diplom o završenom fakultetu/akademiji i stručnoj spremi,
- Izvod iz matične knjige rođenih i Uvjerenje o državljanstvu (ne starije od 6 (šest) mjeseci).

Kandidati treba da dostave i **dodatnu dokumentaciju**:

- 1) Uvjerenje o položenom stručnom ispitu;
- 2) Potvrdu o primanju studentskog kredita od strane Ministarstva za obrazovanje, mlade, nauku, kulturu i sport BPK-a Goražde;
- 3) Uvjerenje o dužini čekanja na posao nakon sticanja odgovarajuće stručne spreme;
- 4) Uvjerenje ili drugi dokaz o prosjeku ocjena ostvarenih na visokoškolskoj ustanovi;
- 5) Uvjerenje visokoškolske ustanove kao dokaz o ostvarenoj izvrsnosti tokom školovanja;
- 6) Dokaz o dužini radnog staža u obrazovanju;
- 7) Dokaz o dužini radnog staža izvan ustanova obrazovanja;
- 8) Potvrda o volonterskom radu u skladu sa članom 16. Zakona o volontiranju;
- 9) Dokumentacija iz člana 65. Zakona o dopunskim pravima boraca i članova porodice;
- 10) Osobe u statusu civilne žrtve rata obavezne su priložiti uvjerenje resorne službe.

Intervju će se obaviti u prostorijama matične škole u Ilovači po završetku Konkursa. O vremenu i mjestu intervju, kandidati će biti obavješteni putem telefona. Konkurs ostaje otvoren 8 (osam) dana od dana objavljivanja. Prijave slati na adresu: Osnovna škola „Hasan Turčalo Brzi“ Ilovača bb, 73 208 Ilovača, sa naznakom „Ne otvaraj, za Konkurs“.

Predsjednik Školskog odbora:  
Fadil Salković

Bosna i Hercegovina  
Federacija Bosne i Hercegovine  
Kanton Sarajevo



Bosnia and Herzegovina  
Federation of Bosnia and Herzegovina  
Canton Sarajevo

Općina Stari Grad Sarajevo  
Općinski Načelnik

Municipality of Stari Grad Sarajevo  
Municipality Mayor

Na osnovu člana 5. Pravilnika o dodjeli novčane pomoći djeci sa hroničnim oboljenjima i djeci sa poteškoćama u razvoju („Službene novine Kantona Sarajevo“, broj: 43/22 i 49/22), Općinski načelnik Općine Stari Grad Sarajevo, objavljuje

**JAVNI POZIV**

za dodjelu novčane pomoći djeci sa hroničnim oboljenjima  
i djeci sa poteškoćama u razvoju

Pravo učesća na Javnom pozivu za dodjelu novčane pomoći djeci sa hroničnim oboljenjima i djeci sa poteškoćama u razvoju imaju djeca sa hroničnim oboljenjima i djeca sa poteškoćama u razvoju, roditelj ili staratelj djeteta, ako je djetetu za koje se traži priznavanje prava dijagnosticirano tjelesno oštećenje. Pravo na dodjelu novčane pomoći imaju djeca sa hroničnim oboljenjima i djeca sa poteškoćama u razvoju, do 18. godine života, odnosno do 27. godine života ukoliko se redovno školuju. Djeca sa hroničnim oboljenjima su djeca oboljela od karcinoma, šećerne bolesti, leukemije, TBC, celijakije, kronove bolesti, ulceroznog kolitisa, hepatitisa B i C, epilepsije ili djeteta sa poremećajima autističnog spektra. Pravo na dodjelu novčane pomoći djeci sa hroničnim oboljenjima i djeci sa poteškoćama u razvoju, ostvaruje se kao mjesečna novčana naknada u iznosu od 150,00 KM u toku kalendarske godine. Pravo na dodjelu novčane pomoći djeci sa hroničnim oboljenjima i djeci sa poteškoćama u razvoju se može ostvariti, uz ispunjavanje sljedećih uslova: da je dijete državljanin BiH i da ima prijavljeno prebivalište na području općine Stari Grad Sarajevo minimalno jednu godinu dana ili u kontinuitetu za djecu mlađu od jedne godine, da najmanje jedan od roditelja djeteta ima državljanstvo BiH, kao i prijavljeno prebivalište na području općine Stari Grad Sarajevo minimalno jednu godinu dana u kontinuitetu, računajući do dana podnošenja zahtjeva, da je dostavljena medicinska dokumentacija iz koje je vidljiv status djeteta sa hroničnim oboljenjem ili za djecu sa poteškoćama u razvoju, Rješenje donijeto u skladu sa Pravilnikom o utvrđivanju preostale sposobnosti i razvrstavanju djece i omladine ometene u psihofizičkom razvoju.

Rok za prijavu na Javni poziv je 15 dana od dana objave Javnog poziva u sredstvima informisanja, na oglasnoj ploči Općine i na web stranici Općine Stari Grad Sarajevo - [www.starigrad.ba](http://www.starigrad.ba). U navedeni rok se računaju i dani vikenda.

Prijave na Javni poziv podnose se na propisanom obrascu, koji se može preuzeti u šalter sali Općine Stari Grad Sarajevo, šalter broj 3 ili na web stranici Općine Stari Grad Sarajevo, [www.starigrad.ba](http://www.starigrad.ba) (javni pozivi, konkursi i oglasi). Popunjen obrazac sa priloženom traženom dokumentacijom, može se predati lično u šalter sali Općine Stari Grad Sarajevo, šalter broj 4 ili preporučeno putem pošte na adresu Općina Stari Grad Sarajevo, Služba za boračko - invalidsku i socijalnu zaštitu (sa naznakom za "Javni poziv za dodjelu novčane pomoći djeci sa hroničnim oboljenjima i djeci sa poteškoćama u razvoju"), ulica Zelenih beretki broj 4, 71 000 Sarajevo.

Kompletan tekst javnog konkursa sa detaljnim uslovima koji su propisani i prijavni obrazac mogu se preuzeti na [www.starigrad.ba](http://www.starigrad.ba) (javni pozivi, konkursi i oglasi).

Broj: 08-37-20-4/23  
Sarajevo, 05.01.2023. godine

OPĆINSKI NAČELNIK  
mr. Ibrahim Hadžibajrić

Sarajevo, Zelenih beretki 4,  
Centrala: 033/282-300, Info pult: 033/282-422  
[www.starigrad.ba](http://www.starigrad.ba)  
[info@starigrad.ba](mailto:info@starigrad.ba)

